

Oda e Stomatologeve te Kosovës (OSK)

Raport i auditimi funksional i Organeve të OSK-së

/ Pasqyrat Financiare 2022/

Bazuar ne Specifikimet teknike të paraqitura ne dosjen e tenderit se OSKsë përveq dhenies së Opinionit për Pasqyrat fianciare 2022 të Odës së Stomatologeve të Kosovës (OSK) konform Standardeve Nderkombetare të Auditimit (SNA) , kemi marrë përgjegjësinë të kryejmë auditimin funksional të Organeve të OSK-së e cila njeherit është pjesë përberëse e Raportit të Auditorit .

Ne këtë Raport do të prezentojm performancën dhe gjetjet eventuale të cilat nuk vlersohen si materiale por me shumë janë si mosrespektim i parimeve dhe rregolloreve ne disa raste

Ne vijim ju prezentojmë gjetjet lidhur pasqyart financiare 2022 si dhe vlersimet tona lidhur me punen e organeve të OSK-së për këtë periudhë.

Raporti auditimit funksional (performancës) të organeve të OSK-së per vitin 2022

Sipas kërkeses së Odës dhe duke u bazuar ne Ligjin Nr.04/L-150 për Odat Profesionale Shëndetësore , Statutin e OSK-së ne kemi marrë persipër që të auditojmë performancën e organeve të OSK-së për periudhën 2022.

Konform nenit 18 të Statuti të OSK -së , Oda ka të themeluar keto organe :

- ❖ Kuvendin ,
- ❖ Kryetari Odes ,
- ❖ Keshilli Drejtues ,
- ❖ Keshilli mbikqyres,
- ❖ Keshilli Etik, Gjyqi i nderit, Prokurori i Odës dhe
- ❖ Komisionet e përhershme

Mbeshtetur ne nenin 47 të Statutit Oda ka për obligim tansparencën dhe raportimin për punën e Organeve dhe Komisioneve të perhershme të OSK-së.

Bazuar ne Raportin vjetor 2022 të Odës pamë se janë kryer shumë aktivitete konformë përgjegjësiwe dhe kompetencave të cilat kishim i veçuar si me poshtë :

- Vazhdimësia e transparencës dhe llogaridhenia për punën e Odës.
- Vazhdimësia e publikimit dhe azhurnimit të listës zyrtare të anëtarësisë
- Publikimi i Regjistrir të Licencave të Stomatologëve
- Sigurimi i stabilitetit financiar të OSK-së
- Zhvillimi digjital i sistemit informativ të OSK-së
- Organizimi i ligjeratave profesioanle në kuader të EVP-së ne 7 QMFK nepër Kosovë.
- Botimi i dy numrave të Revistës se Stomatologëve të Kosovës ,
- Vazhdimësia për realizimin e proejktit për ndertimin e përbashekët të OPSH-ve
- Marrveshje bashkpunimi me institucionet e ndryshme vendore .
- Bashkëpunimi nderkombetarë lidhur me aktivitetet stomatologjike.

Me rastin e verifikimit të deshmive lidhur me zbatueshmërisë së akteve normative për vitin 2022 nga ana e organeve të OSK-së ne mund të konstatojmë me sa vijon :

1. Për **Kuvendin** si organi me i lartë i OSK-së gjatë auditimit vërejmë se janë zbatuar kompetencat e tij që dalin nga neni 20 i Statutit të OSK-së, duke potencuar fillimisht me zgjedhjen e të gjitha Organeve të OSK-së ne ,ku ndër të tjera është miratuar raporti vjetor i punës njëvjeçare të OSK-së , është miratuar plani i punës së OSK-së (prill 2022 – mars 2023, është miratuar projekt buxheti për vitin 2022 , ndryshimi i vendimit për caktimin e lartësisë së taksave administrative , miratimi i disa Rregulloreve për punën e organeve të OSK-së.
2. **Kryetari i OSK-së** bazuar në verifikimet tona vlerësojmë se përgjegjësitë që dalin nga neni 23 i Statutit të OSK-së dhe neni 9 i Rregullores për procedurën vendimtare të OSK-së janë kryer me kompetencë .
3. **Këshilli Drejtues (KD)** , Bazuar në procesverbalet e KD konstatojmë se KD gjatë kësaj periudhe ka mbajtur disa takime ku janë marrë vendime të rëndësishme si psh ; Vlerësimi dhe dekorimi i profesionistëve të dalluar , promovimi i Revistës stomatologjike , plotësimi ndryshimi i disa rregulloreve që lidhen me punën e Odës , vendime për çështje financiare , miratimi i raportve vjetore të punës së organeve , vendimi për unifikimin e pagave të administratës së OSK-së, miratimi i rasteve për ndihmë solidarë, miratimi i planit të punës së OSK-së për periudhën mars 2022 deri në mars 2023 . etj.
Nga mostrat e perzgjedhuara për verifikim të aktivitetëve për KD si organ kyq i Odës nuk kemi gjetur ndonjë parregullsi për punën e tij gjatë kësaj periudhe.
4. **Këshilli Mbikqyrës** , bazuar në Raportin vjetor nuk pamë informacione lidhur me aktivitetet e realizuara gjatë kësaj periudhe ashtu siç kërkohen me neni 29 pika 1.1 mbikqyrja e afarizmit financiar të Odës , deri sa nuk vërejmë raste për ndonjë shkelje të drejtave të antarëve të Odës.
5. **Këshilli Etik** , Gjyqi i Nderit dhe Prokurori i Odës si organe të mbrojtës së profesionit dhe vet komunitetit , bazuar në raportet e Komisionit për çështje etike dhe deshmimet tjera të verifikuara e vlerësojmë se në përgjithësi janë zbatuar kompetencat që dalin nga nenet 31 , 34 dhe 35 të Statutit të OSK-së , ku gjatë periudhës nga Komisioni për çështje etike janë shqyrtuar 8 raste.
6. **Komisionet e përhershme** , bazuar në nenin 37 të OSK-së odësi ka themeluar 6 Komisione të përhershme dhe fushveprimtaria e tyre është e përcaktuar me Rregullore të mbrendshme të miratuara nga Kuvendi i Odës.

Me qellim të vlersimit të performances së organeve të odës me shumë jemi fokusuar ne punen e komisionit për Licencim dhe komisionit për buxhet dhe financa.

- Lidhur me punen e Komisionit për Licencim gjatë kesja periudhe janë antërasuar rreth 340 stomatolog , janë Licencuar mbi 350 po aq edhe janë rilicencuar.
Nga mostrat e perzedhura për verifikim të ratseve për licencim dhe ri-licencim të anëtarve konstuam se komisioni ka respektuar aktet normative të përcaktuara ne rregulloren për Licencim të profesionisteve shendetësor.
 - Komisioni per Eddukim të Vazhdueshem profesional (EVP) për këtë periudhe bazuar ne raportet e tij ka mbajtur disa kofnerenca, seminare , ligjerata , kurse etje.
Ne kemi verifikuar si mostra disa aktivitetete te cekuar dhe bazuar ne deshmit e perzgjedhuara konstatuam keto aktivitete janë organizuar konformë Rregulloreve te OSK-së.
 - Komisioni për çeshtje Etike gjatë kësaj periudhe janë shqyrtuar disa ratse për shkelje etike , dhe disa raste për leje hulumtimi bio-mjeksor etj.
 - Komisioni për buxhet dhe financa per vitin 2022 ka shqyrtuar dhe aprovuar raportet financiare dhe projektine e buxhetit të OSK-së për vitin 2023.
Departamenti i financave dhe kontabilitetit të OSK-së ka mirëmbajtur dhe avansuar evidencat kontabël duke kompletuar listen e anëtarve të OSK-së si bazë për të hyart e Odës duke finalizuar me Pasqyrat vjetore financiare Janar-Dhjetor 2022. Bazuar Krahasuar poazicionet e Pasqyrave financiare e vitit 2022 ne raport me ato të vitit paraprak 2021 ka rezultuar me nje rritje rreth 25% e mjeteve financiare mbi 30 mijë euro me shumë duke krijuar një gjendje stabile financiare.
Bazuar ne mostrat e perzgjedhura për verifikim konstatojmë se shpenzimet e buxhetit janë ekzekutuar ne harmoni me Rregulloren e OSK-së per menaxhimin e financave duke zbatuar procedurat e prokurimit publik për shumat mbi limitin e caktuar sipas nenit 4 pika 2 e Rregullorës Nr.1060.
 - Edhe Komisioni për solidaritet ka shqyrtuar dhe aporvuar rastet për mbeshtetje financiare për disa raste gjatë vitit 2022 për anëtarët e OSK-së.
7. Oda e Sotmatologeve të Kosovës gjatë kësaj perudhe ka zhvilluar aktivitete të rendësishme ne bashkëpunimin ndërkombëtar dhe vendor qe lidhen me profesionin e stomatologjisë

Letrën e punoi :

Haxhi Nimanaj, auditor ligjor

